

Elisabet kaiyo toni irau liim ve eez, ghoru Maaron imbaan anjela Gabriel ila ndug Nasaret to ineep taan suruvu to Galilaia. Ye ila ivot to liva paghu eez, iza Maria. Ye, tisia pa ngeu eez wa, iza Yosep. Yosep tonene, ye sinj to kinik David.



Tovenen anjela isaav pani muul ighaze:
“Maria, umatughez malep. Pasa,
Maaron lolo payom ve igham poian
ghom. Uloonj. Yom pale apom, ve
upoop natum tamoot. Pain
tonenen, yom uwaat iza Yesu.
Ye pale iza tiina kat, ve tiwaata
tighaze Maaron Tiina To Ilib Pa
Ndimaronja Tisob Ne Natu. Tiina toit
Maaron pale ighuri pa igham pooz
inimale timbu David. Ve pooz toni irau
isob ne maau. Ye pale ingin Yakop

papaghu toni itaghoni
taghoni gha ila.”



Anjela isavsaav le isob, ghorro Maria
ighasoni ighaze: “Saveenj tiom tonene
pale anonja ivot vena? Pasa, you liva
paghu. Yeru ngeu eta nilup ghei
sone.” Anjela ipamuul aliŋa
ighaze: “Avuvu Patabuanj
toman Maaron Tiina To
Ilib Pa Ndimaronja
Tisob Ne tapiri pale
iza tiom. Tovenen
pain to yom upoopa,
ye pale patabuanj,

ve tiwaata
tighaze
‘Maaron Natu.’”



Sawa tonenen, Maria imundig ve ilaagh rikia moghon ila ivot Sakaria yesuru Elisabet ndug tadi. Ndug tonowen ineep ila taan suruvu to Yudea izala lolooz.

Ila peria, ve malmali iloon ila ruum to Sakaria, ve igham 'ndag poia' pa Elisabet. Elisabet iloon Maria aliŋa, ve natu ipuul ve ivazag ila tina apo lolo.



Ghoro Avuvu Patabuan izeev Elisabet, ve ipamundigini ve isaav aliņa tiina ighaze: “Maria, Maaron ipakur ghom, ve ighur poia toni tiina iza tiom le ulib pa ndiliva tisob. Ve natum to apom pani ne, Maaron pale ipakuri ve ighur poia toni iza toni paam.”



Kamos to Yesu Krisi tina ipoopaa, nene vene: Tina Maria,
tisia pa ngeu eez, iza Yosep.

Eemoghon yesuru tilup di
sone, ve tighilaal tighaze
Maria apo. Mbeb tonene
ivot ila Avuvu Patabuan
tapiri. Yosep, ye ngeu
denja eez, ve lolo pa
igham Maria varu
ivot ighazoon maau.
Tovenen mata ingal ighaze
irab motin vaiuun todi inim
ngozaan.



Ighamgham ngar sone, ve Maaron anjela toni ivot toni ila vibiin, ve isaav pani ighaze: “Yosep, yom sinj to David, umatughez pa ugham Maria inim azuwam malep. Pasa, tamtoghon to ineep ila ye apo, nene ivot pa Avuvu Patabuanj tapiri. Ye pale ipoop pain tamoot. Ve yom irau uwaat iza Yesu. Pasa, ye pale igham mulin tamtoghon toni pa patajanani to sosor todi.”



Tovenen Yosep igheen le ndugizau, ghoru imundig ve itaghon saveenj to anjela to Maaron isavia pani, ve igham Maria inim azuwa. Eemoghon igharai maau le ye ipoop natu tamoot tonowen. Ve Yosep iwaat pain tonenen iza Yesu.



Elisabet ipoop Yoan, ve sawa pida inim ila, ghorro
Augustus to kinik tiina to Rom, isaav ariana pa ndug
tisob to tineep ila samba,
ighaze tila tighur izadi.
Tovenen ival tisob
timuul tila pa



paanu todi, leso tighur izadi.



Yosep pughu toni ivot ila to kinik David. Tovenen igham Maria, liva to tisia pani ne, ve yesuru tipul ndug Nasaret to ineep ila taan suruvu to Galilaia, ve tilaagh tila tivot taan suruvu to Yudea.



Ghoro malmalidi tila tivot ndug to kinik David,
iza Betelem. Leso tighur izadi. Sawa tonenen,
Maria ye apo.



Tinepneep tonowe,
ve Maria sawa toni to
popaanj ivot.



Tovenen ipoop natu aidaba, ve ikaukai pa uli, ghoru ipagheena ila ngai inadi to ghanghaniņ. Yes tineep tonowe pasa, ruum to loomba tisob tivon.



Mbon tonenen, nginiina pida to sipsip tineep izi ndug
Betelem dige, ve tinginngin sipsip todi. Mala maau ve
anela eez to Ngeu Tiina ivot todi,
ve Ngeu Tiina nguruba
isul
luvutin di.



Tovenen matughezaan tiina kat igham di. Eemoghon
anela tonowen isaav padi ighaze: “Yam amatughez
malep! Aloon. You nanim pa napaesia
varu poia payam.”



“Varu poia tonene pale igham tamtoghon tisob lolodi poia le poia kat. Pasa, mbon aazne, Volaana tiam, tina ipoopo izi ndug to Davidwa. Ye Mesia, ve Tiina tiam.”



“Mbeb tonene pale ipatoonja payam: Ala, pale aghita pain kainanjen eez to tikaukai pa uli, ve tipagheena igheen ila ngai inadi to ghanghaniŋ.”



Mala maau ve anela ndinndin ndinndin to ndug sambam tikeet tizi tinim, ve tilup di toman anela tonowen, ve tipait Maaron iza tighaze:

“Tapait Maaron to ineep sala



le sala kat ne iza pa tapiri ve poia toni.”



“Mbon aazne, luuma to Maaron izi inim taan. Tovenen
yes to ye lolo poia padi, nene pale luuma
toni iza todi, ve tineep pooi.”



Yes anela tipul di, ve timuul tiza tila pa sambam.
Ghoro yes nginiina to sipsip tonenen tiwasavon di
tighaze: “Yo, tamundig, ve tala pa Betelem.” “Leso
taghita mbeb to Ŋgeu Tiina ipaesia
pait ne.”




Tovenen tilaagh rikia tila, ve tighita Maria
yesuru Yosep ve natudi. Ye ighengheen
ila ngai inadi to ghanghaniin. Tighita di le
isob, ghoru tipaesia saveen to anela isavia
padi pa pain kainanen
tonenen.



Sawa to kinik Erod
ighamgham pooz pa
yes Israela, Yesu
tina Maria ipoopa izi
ndug Betelem
to ineep taan

suruvu to Yudea. Muri ghoru,
ndiran pida to ledi ngar tintina pa
pikum ne, tilaagh tila tivot
Yerusalem. Ndiran tonowen, ndug
todi ineep mala kat ila pa ndag iza.



Yes tila tivot
Yerusalem, ve
tighason tighaze:
“Kinik to yes Yuda to
tina ipoopaa
aazne, ineep
sine?”

Pasa, yei nineep izi ndug tiei to
ndag iza we, ve nighita pitum
paghu eez to inim ghilaloon payei
pani. Tauto ninim nighaze nighita,
ve niput aghemai pani, ve
nipakuri.”



Erod isavsaav toman di le
isob, ghorro ipoi yes ngara
to ndag iza tinim inimale
yongaan, ve ighason
poian di pa sawa sine
kat to tighita pitum
tonowen ivot.



Ghoro imbaan di tila pa ndug
Betelem ighaze: “Ala akaal
pain kinaanen tonowen le
ighaze aghita, ghoru
amuul anim apaes payou.
Leso you paam nala
naghita, ve naput
agheg pani, ve napaiti.”



Erod isavsaav toman di le isob, ghoru timundig ve tila.
Ve pitum to muuṅ tighita izi ndug todi, nene ila imuuṅ

padi, ve titaghoni tila. Yes tighita
pitum tonowen muul, le lolodi
poia kat. Pitum tonowen ila le
ineep izala ruum to pain

kainanḡen
ighengheen pani
ne pogho. Tila tivot
tonowe, ve tilooṅ
tila ruum lolo, ve
tighita pain
kainanḡen
yesuru
tina
Maria.



Tiput aghedi pani ve tipakuri, ghero tikaak pelpeel todi,
ve tiwaan mbaliin pida to atiadi tintina, ve tigham pani
inimale pakuruunji. Tigham yaam
gol, ve naunaun pida to vuzidi
popoia kat. Muri ghero,
Maaron ivot padi ila vibiin, ve
ingalsekin di ighaze
timuul tila to kinik
Erod muul malep.
Tovenen titaghon
ataam ite, ve
timuul tila pa
ndug todi.



Yes ngara to ndag iza
timundig ve tila, ve mala
maau, Maaron imbaan anela
toni eez ila ivot to Yosep ila
vibiin, ve isaav pani ighaze:
“Uloon. Erod pale ikaal
pain kainanen tonene,
leso irabi imaat. Tovenen
yom irau umundig,
ugham pain

kainanen yesuru tina,
ve aghau ala pa Isip.”





“Ala aneep tonowe, le irau you nasaav payom muul.” Tovenen Yosep imundig pa mboŋ, ve igham pain kainanjen yesuru tina, ve tighau tila pa Isip. Tinepneep tonowe le Erod imaat. Tauto saveeŋ to Maaron ivotia ila propet toni eez avo, anoŋa ivot.

Saveeŋ tovene: Natug ineep izi Isip, ve napoii imuul inim.




Erod isanjan yes ngara to ndag
iza le maau, ghoru ighilaal
ighaze yes titombaana.
Tovenen ate malmal kat.



Ye mata ingal saveen to yes
ngara to ndag iza tisavia pa
sawa to tighita pitum ivot,
tovenen imbaan ndaaba toni
pida tila ndug Betelem ve ndug
pida to tineep tigharau. Tila tivot
tonowe, ve tirab ndinatudi

nditamoot
tisob
to



ndaman todi
runjaruṅa ve izi.



Yosep yesuru Maria ve natudi
Yesu tinepneep izi Isip, le
Erod imaat. Ghoru anjela eez
to Maaron ila ivot to Yosep
ila vibiin, ve isaav pani
ighaze: “Umundig,
ugham pain kainanjen
yesuru tina, ve amuul
ala pa taan to Israel.

Pasa,

ndiran to tikaal ataam pa
tirab pain kainanjen imaat,
yes tisob timatmaat wa.”



Eemoghon Yosep iloon
tighaze Erod natu
Arkelaus igham tama
ina, ve inim kinik pa
taan suruvu to
Yudea.



Tovenen imatughez
pa ila ineep izi Yudea. Ve mbeb ite,
Maaron ivot toni ila vibiin, ve iveivei pani ighaze
tineep izi Yudea malep.



Tovenen Yosep ipaghau
pain kainanen yesuru
tiina tila pa taan suruvu
to Galilaia. Tila tivot
tonowe, ve
tineep



izi ndug Nasaret.
Tauto Maaron aliņa to yes propeta
toni tivotia, anoņa ivot. Saveeņ tovene:
Tamtoğhon pale tiwaata tighaze ‘ņgeu to Nasaret.’



Pasa, Maaron ighur lolo kat pa
tamtoohon to taan. Tauto ipul Natu ee
moghon izi inim taan ve imaat padi.
Leso tamtoohon tisob to tighur ila
toni, tilaledi sob, ve tigham
nepoon poia ila to Maaron,
ve tineep tovene
le alok.



Rom 3:23 Ataam tonene, nene ataam to ghurla.

Tamtoghon tisob to tighur ila to Yesu Krisi, Maaron pale ighita di ighaze tineep denjadi ila mata. Yes Yuda, ve yes to Yuda maau ne paam. Pasa, tamtoghon eta ilib pa ita ite maau. lit tasob rarateed moghon. Tasob tasosor wa. Pasa, tataghon Maaron gabua ve ngar toni iraua maau. Ngargar ve nepoonj to it, nene ipatoonja ighaze ye iza tiina ne maau.

Rom 6:23 Ngargar samia atia, nene mateenj. Eemoghon iit to taneep tunja ila to Tiina to it Yesu Krisi, Maaron igham poian ghiit, ve igham leed nepoonj poia to pale iseengga itagho ni tagho ni gha ila.

Hibru 9:27 Tamtoghon tisob pale timaat pa ee moghon ve isob, itagho ni Maaron ngargar toni. Ve muri, gabizoonj to di pale ivot ve tigham atia to di.



Epesus 2:8,9 Tovenen yam to aghur ila to Krisi, Maaron igham mulin gham itaghon tau lolo ve poia toni. Mbeb tonenen ivot itaghon ngar poia eta to yam aghami ne maau. Maaron igham payam sorok. Tovenen ye igham poian gham itaghon ngar poia eta to yam aghami ne maau. Ye igham payam sorok. Leso tamtoghon eta ipait tau sob.

Rom 10:9,10 Saveen tonowen isaav pait tovene: Ighaze taum avom uvotia ghurla tiom ila ival tiina matadi ughaze: “Yesu, ye Tiina tiou,” ve ighaze lolom ighur ila ughaze Maaron ipamundigini pa mateen wa, nene pale Maaron igham mulin ghom, ve uneep pooli. Pasa, ighaze lolood ighur ila, nene pale Krisi igham ghiit taneep denjaad ila Maaron mata. Ve ighaze tauud avood tavotia ghurla toit ila ival tiina matadi, nene pale Maaron igham mulin ghiit ve taneep pooli.



Yoan 3:16,17 “Pasa, Maaron ighur lolo kat pa tamtoghon to taan. Tauto ipul Nату ee moghon izi inim taan ve imaat padi. Leso tamtoghon tisob to tighur ila toni, tilaledi sob, ve tigham nepoon poia ila to Maaron, ve tineep tovene le alok. Onoon kat, Maaron imbaan Nату izi inim taan pa ingabiiz tamtoghon ve ighur atia padi ne maau. Ye imbaanja izi inim pa igham mulin di.

1 Yoan 5:11-13 Saveen tovene: Nepoon poia to isenseennga gha ila, nene Maaron igham pait wa. Nepoon tonowen, taghami ila to Nату. Tovenen tamtoghon to ighaze igham Maaron Nату, ye igham nepoon poia ila to Maaron wa. Ve tamtoghon to ighaze igham Maaron Nату maau, ye igham nepoon tonowen sone. Saveen isob tonene, you nambooda ilat to yam tamtoghon to aghur ila to Maaron Nату, lesa awatag kat aghaze yam agham nepoon poia ila to Maaron wa. Nepoon tonowen pale iseennga itaghoni taghoni gha ila.



Matayu 1-2; Lukas 1-2

Storyline by: Edward D. Hughes

Illustrated by: M. Maillot
and Alastair Paterson

Adapted by: E. Frischbutter; Sarah S.

Mutu, Oov NT (tuc) © 2011, Wycliffe Bible Translators, Inc.
All rights reserved.

<https://www.bible.com/bible/473/MAT.1>

©2025 Bible for Children, Inc.

www.M1914.org

www.bibleforchildren.org

